

增修
補註
正續歷代通鑑輯覽

南北朝

〔辛亥〕梁中大通三年、魏節閔帝恭普泰元年、廢帝明中興元年、春二月、魏爾朱世隆廢其主曄而立廣陵王

恭廣陵王羽之子、是為節閔帝、初、魏廣陵王恭以元父擅權、託稱瘖疾、居于龍華佛寺、無

所交通、至是、爾朱世隆兄弟以魏主曄疏遠無人望、密謀更立近親、郎中

薛孝通字士達、汾陰人、總之子、說爾朱天光曰、廣陵高祖猶子、夙有令望、沈晦不言、多

歷年所若奉以為主、天人允協矣、天光使爾朱彥伯榮從弟、潛往脅之、恭乃

曰、天何言哉、世隆等大喜、乃廢曄而立之、邢邵字子才、魏族弟、為赦文、敍敬宗魏西

大昌中、追諡子攸為孝莊帝、廟號敬宗、枉殺爾朱榮之狀、魏主曰、永安手翦彊臣、非為失德、直以

天未厭亂、故逢成濟之禍耳、因取筆自作赦文、魏主閉口八年、至是乃言

中外欣然以為明主

魏河北大使高乾起兵信都、以冀州迎高歡、初、爾朱榮以高敖曹即高昂、後以字行、

入洛、敖曹為榮所執、事具前、敖曹兄乾亦自東冀州乾父翼、前聚衆河濟間、魏置東冀州、以翼為刺史、馳至、及榮死、

魏敬宗以乾為河北大使、敖曹為直閣將軍、使歸集鄉里為形援、敬宗親送之河

橋舉酒指水曰、卿兄弟冀部豪傑、能令士卒致死、京城倘有變、可為朕河上一揚塵、乾垂涕受詔、敖曹援劍起舞、誓以必死、俄而敬宗遇害、劉靈助反、

于幽州

靈助推算知爾朱氏將衰乃起兵聲言為敬宗復讐幽瀛滄冀之民多從之

及是爾朱兆遣監軍孫白鷁至冀

州託言調發民馬欲收乾兄弟乾等知之乃與前河內太守封隆之

字祖裔回

子等襲信都殺白鷁奉隆之行州事為敬宗舉哀將士皆縞素升壇誓衆

移檄州郡共討爾朱氏殷州刺史爾朱羽生襲之為敖曹所敗

敖曹馬稍絕世左右無不

一當

時高歡屯壺關聲言討信都衆懼乾曰吾聞高晉州雄略蓋世其志

不居人下且爾朱無道弑君虐民正是英雄立功之會今日之來必有深

謀吾當輕馬迎之諸君勿懼乃潛謁歡于滏口

注見前

說之曰爾朱酷逆痛

結神人凡曰有知莫不思奮明公威德素著天下傾心若兵以義立則屈

彊之徒不足為明公敵矣鄆州雖小戶口不減十萬穀結之稅足濟軍資

願熟思之歡大悅與同帳寢已歡東出趙郡李元忠

曾孫

復勸歡就乾

元忠

先為南趙郡太守好酒無政績及爾朱兆弑敬宗棄官歸謀舉兵討之會歡已見乾東出元忠乘露車載素琴濁酒以迎歡歡未即見元忠下車獨酌謂門者曰今聞國士到門不吐哺輒洗其人

可知還吾刺勿通也門者以告歡歡遂見之引入鴈再行取筆鼓之長歌慷慨歌闋謂歡曰天下形勢可見公猶事爾朱邪歡曰富貴皆彼所致敢不盡節元忠曰非英雄也歡曰趙郡辭矣使人扶

出元忠不肯起孫騰進曰此君天遣來不可違也歡乃復與語元忠慷慨涕泣歡亦悲不自勝元忠因進策曰殷州小無糧仗不足以濟大事若向冀州高乾邕兄弟必為明公主人殷州便以賜

委冀殷既合滄瀛幽定自當併服矣歡急握元忠手而謝焉

于是歡帥衆至信都隆之乾納之時敖曹在外略

地聞之以乾為婦人遺以布裙歡使子澄

字子惠

以子孫禮見之敖曹乃與

俱來

初乾之舉兵也仍受劉靈助節度靈助自占曰三月之末我必入定州已而魏都督侯淵討靈助斬之函首入定州果如其期

魏封其故主暉爲東海王

魏以爾朱世隆爲太保

時天光專制關右兆奄有并汾仲遠擅命徐亮世

隆居中用事競爲貪暴而仲遠爲尤甚所部富室多誣以謀反沒其婦女財物而投其男子于河人畏之如豺虎由是四方皆惡爾朱氏而憚其彊莫敢違也

魏以高歡爲渤海王

魏賜高歡爵渤海王徵之不至乃以爲東道大行臺

冀州刺史

夏四月梁太子統卒

諡昭明

統自加元服梁主使省錄朝政辨析詐謬秋毫

必睹但令改正不加案劾斷獄多所全宥寬和容衆喜愠不形于色好讀書屬文引接才俊不畜聲樂每霖雨積雪遣左右周行閭巷視貧者賑之天性孝謹在東宮坐起恆西向母丁貴嬪卒水漿不入口腰帶十圍減削過半及寢疾恐貽梁主憂敕參問輒自力手書及卒朝野惋愕

五月梁立子綱

即簡文帝

爲太子六月封孫歡

字孟孫

爲豫章王譽

字重孫

爲河東王

營

即後梁宣帝皆故太子統子

爲岳陽王

梁昭明太子既卒其長子華容公歡梁主欲立

為嗣以銜太子舊事猶豫久之竟不立

初昭明太子葬母丁貴嬪有道士云此地不利長子請厭之乃為蠟蠶及諸物埋于墓側

宮監鮑邈之有寵于太子晚而見疏乃密啓梁主云太子有厭禱梁主遣檢掘果得

寫物大驚將窮其事徐勉諫而止但諫道士由是太子終身厭憤及卒不能自明

已而立太子母弟晉安王綱為太子朝野多以為不順侍郎周宏正

字思行捨弟之子

嘗為綱

主簿乃奏記曰謙讓道廢多歷年所願殿下抗目夷

宋子魚事具前

之義執子臧

曹子臧之節綱不能從

綱以徐擒為家令兼管記擒文體輕麗春坊學之時人謂之宮體梁主聞之怒召擒欲加誚責及見應對明敏意更釋然因問經史

及釋教擒商較縱橫梁主深歎異之寵遇日隆朱昇不悅謂所親曰徐叟漸來見偏須早為之所遂乘間白梁主曰擒老愛泉石意在一郡梁主謂擒真欲之乃曰新安大好山水遂出為郡徐

擒字士秀東海郡人新安注見前

尋梁主以人言不息封歡譽等皆大郡以慰其心

魏冀州刺史高歡起兵討爾朱氏高歡自向山東養士繕甲禁兵侵掠百

姓歸心將起兵討爾朱氏斛律金

斛律本敕勒部因以為氏金字阿六敦朔州人

庫狄干

千善無人與婁昭

字菩薩平城人歡妻弟

段榮皆勸成之歡乃詐為書稱爾朱兆將以六鎮

人配契胡為部曲眾皆憂懼又為并州符徵兵討步落稽

即稽胡劉淵五部之苗裔乃發

萬人將遣之孫騰尉景為請留五日如此者再歡親送之郊雪涕執別眾

號慟歡乃諭之曰與爾俱為失鄉客義同一家不意在上徵發乃爾今直

西向已當死後軍期又當死配國人又當死奈何眾曰惟有反耳歡曰然

當推一人為主誰可者眾推歡歡曰爾不見葛榮乎雖有百萬之眾曾無

法度終自敗滅。今以吾爲主，當與前異，無得陵漢人犯軍令。生死任吾，則可。不然，不能爲天下笑。衆皆頓顙曰：「死生惟命。」歡乃椎牛饗士，起兵信都。然猶未敢顯言叛爾朱氏也。會李元忠舉兵偃殷州，歡令高乾救之。乾輕騎入見爾朱羽生，因斬之，持首謁歡。歡撫膺曰：「今日反決矣。」乃以元忠爲殷州刺史，抗表罪狀爾朱氏。

冬十一月，魏高歡立渤海太守元朗。

章武王融之子，是爲廢帝。

自爲丞相，敗爾朱兆等軍于

廣阿。

注見前。

爾朱仲遠度律等聞高歡起兵，不以爲慮。獨世隆憂之，孫騰說

歡曰：「今朝廷隔絕，號令無所稟，不權有所立。衆將沮散，歡乃立渤海太守

元朗爲帝。朗以歡爲丞相，都督中外諸軍事。高乾爲侍中、司空，封拜有差。

爾朱仲遠軍陽平。兆軍廣阿，歡用竇泰計，縱反閒云：「世隆兄弟謀殺兆，復

云兆與歡同謀殺仲遠等。」由是迭相猜貳，徘徊不進。仲遠等屢使人往諭

兆，兆執之。仲遠等懼，引兵南遁。歡遂進戰，大破兆軍。

先是歡欲與兆戰，而畏其衆彊，以問段韶。韶曰：「所謂

衆者，得衆人之死，所謂彊者，得天下之心。爾朱氏上秋天子，中屠公卿，下暴百姓，王以順討逆，如湯沃雪，何衆彊之有？」歡曰：「恐無天命，不能濟耳。」韶曰：「爾朱暴亂，人心已去矣。天意安有不從者哉？」

已而歡果破兆，遂進攻鄴。段韶字孝先，榮之子。

魏南兖州

魏置，治譙城。注見前。

人執刺史劉世明。

字伯楚，芳族子。

以降于梁。梁遣歸魏。

魏南

竟州民刳刺史舉州降梁梁以世明爲征西大將軍不受固請北歸比至洛陽奉送所持節歸鄉里不仕而卒

〔壬子〕

梁中大通四年魏普泰二年中興二年孝武帝修永熙元年

春正月梁封西豐侯正德爲臨賀王 正德

自結于朱异异言正德失職故王之

魏高歡克相州以楊愔

字遵彥子

爲行臺右丞

初魏敬宗之誅爾朱榮也楊

侃預其謀及爾朱兆入洛侃逃歸華陰爾朱天光誘而殺之爾朱世隆復

誣奏楊氏謀反盡滅其族

楊氏家世孝友總服同爨男女百口人無閒言及是族無少長皆被殺

惟津子愔適出在

外獲免往見高歡泣訴家禍因爲言討爾朱氏之策歡甚重之以爲行臺

郎中至是歡攻克相州

刺史劉誕嬰城固守歡爲地道施柱而焚之城陷入地遂拔之

以愔爲行臺右丞時軍

國多事文檄教令皆出于愔及諮議參軍崔悺

字長孺遲之五世孫

二月梁邵陵王綸

字世調梁主第六子

有罪免爲庶人既而復之

綸爲揚州刺史市物

不給其直市皆閉邸少府丞何智通啓聞綸被責還第遣人刺殺智通事

覺免爲庶人鎖之三旬既而復之

三月魏主朗入居于鄴高歡自爲太師

劉友益曰書魏主成朗之爲君也成朗之爲君將以正罪歡也

閏月魏爾朱天光等會兵攻鄴高歡擊破之

爾朱世隆卑辭諭兆使之赴

洛又請魏主恭納其女爲后。兆乃悅，并與天光度律復相親睦。將軍斛斯

椿斛斯代北復姓，椿字法壽，廣牧富昌人。欲圖爾朱氏，因說世隆追天光等共討高歡。椿陰謂賀拔勝曰：天下怨

毒爾朱，而吾等爲之用，亡無日矣。不如圖之。勝曰：天光與兆各據一方，去之不盡，必爲後患。奈何？椿曰：此易致耳，乃見世隆以共討高歡說之。于是天光自長安

兆自并州度律自洛陽仲遠自東郡皆會于鄴。衆號二十萬，夾洹水注見前

而軍。高歡出頓紫陌。在今河南臨漳縣西，水經注：石趙建武中，造紫陌浮橋于漳水上，即此。高敖曹以其部曲從。曹敖

所將皆漢兵，歡恐不足集事，欲割鮮卑千人雜之。敖曹曰：所將練習已久，前後格鬪，不減鮮卑。今若雜之，情不相洽，勝則爭功，退則推罪，不願更配也。時歡馬不滿二

千，步兵不滿三萬。乃于韓陵。山名，在河南安陽縣東北。爲圓陳，連牛驢塞歸道，以示必死。

兆望見歡，責以叛已。歡曰：本所以戮力者，共輔帝室。今天子何在？兆曰：永

安枉殺天柱，我報讐耳。歡曰：以君殺臣，何報之有？今日義絕矣。遂戰。歡將中軍，敖曹

將左，歡弟岳將右，歡戰不利。兆等乘之，岳以五百騎衝其前，別將斛律敦、收散卒躡其後，敖曹以千騎橫擊之。高岳字洪略，歡從父弟。兆等大敗，賀拔勝于

陳降歡。兆對慕容紹宗撫膺曰：不用公言，以至于此。遂還晉陽。仲遠奔東

郡。度律、天光走洛陽。

夏四月，魏將軍斛斯椿執爾朱天光度律，送鄴。世隆伏誅。仲遠奔梁。斛斯

椿謂賈顯度、顯智曰：不先執爾朱氏，吾屬死無類矣。于是入據河橋，盡殺

爾朱氏之黨。度律、天光出走，擒之，送高歡。又使顯智襲執世隆，斬之。魏主

恭使中書舍人盧辯字景宣同勞歡歡使見魏主朗辯抗辭不從歡不能奪

侯景降于鄴仲遠奔梁仲遠兄彥伯與世隆同時俱斬世隆弟弼為其帳下馮紹隆所殺天光度律高歡自

鄴送于洛陽斬首都市仲遠後死于江南

高歡入洛陽廢其主恭及朗而立平陽王修廣平王懷之子是為孝武帝自為大丞相魏

主朗至邙山高歡以為疏遠使魏蘭根觀魏主恭之為人欲復奉之蘭根

以恭神采高明恐後難制勸歡廢之歡集百官問所宜立莫有應者太僕

綦儁魏西方其連氏後改綦氏儁字擲顯本代人後居洛陽考通鑑綦作綦母今依魏書北史稱恭賢明宜主社稷歡將從之

崔悛作色曰廣陵既為逆胡所立何得為天子若從儁言王師何名義舉

歡遂幽恭于崇訓寺歡在洛陽斛斯椿謂賀拔勝曰今天下事在吾與君耳若不先制人將為人所制高歡初至圖之不難勝曰人有功而害之不祥椿乃止

時諸王多逃匿平陽王修匿于田舍歡欲立之使斛斯椿求之椿從修所

親王思政太原人見修修曰賣我耶思政曰不也曰敢保之乎曰變態百端

何可保也椿馳報歡歡乃迎修為朗作詔策而禪位焉修即位用代都舊制以黑氍蒙七人歡居其一

修于氍上西向拜天畢入御殿修以歡為大丞相天柱大將軍歡以司馬子如為行臺尚書

參知軍國歡欲徵賀拔岳為冀州刺史岳欲入朝行臺右丞薛孝通曰歡方內撫羣雄外抗勁敵安能去其巢穴與公爭關中之地乎公以華山為城黃河為堑進可以兼山

東退可以封函谷奈何欲束手受制于人岳曰君言是也乃不就徵

五月魏封其故主朗爲安定王

魏主修弒其故主恭

後西魏追諡爲節閔

秋七月魏高歡討爾朱兆走之遂據晉陽 高歡擊爾朱兆軍于武鄉

注見前

兆大掠晉陽北走秀容并州平歡以晉陽四塞乃建大丞相府而居之

至兆

秀容分守險隘歡揚聲討之師出復止者數四兆意怠明年正月歡乘其歲首宴會遣寶泰以精騎馳之一日一夜行三百里歡以大軍繼之兆驚走泰追破之兆鎰死山中慕容紹宗降歡厚待之

冬十一月魏主修弒安定王朗東海王曄十二月復殺汝南王悅 先是高

歡既誅爾朱氏以高祖不可無後召汝南王悅于梁至將立之宿昔而止

魏主以悅爲大司馬至是魏主以悅屬近地尊遂殺之

〔癸丑〕梁中大通五年魏永熙二年春正月魏以賀拔勝爲荊州刺史 魏侍中斛斯椿與

南陽王寶炬京兆王愉之子將軍元毗字休彌常山王邈之元孫王思政密勸魏主圖高歡

增置都督部曲各數百員以關中大行臺賀拔岳擁重兵密與相結出其

弟勝爲荊州刺史欲以敵歡歡不悅

初侍中司空高乾遭父喪解侍中魏主既弒于歡義乾爲己用常與共立盟約乾不之知對曰臣以

身許國何敢有貳及是乾謂所親曰上不親勳賢而招集羣小數遣人往來關中又令賀拔兄弟相近禍難將作必及于我乃密啓歡歡召乾詣并州乾因勸歡受魏禪歡掩其口曰勿妄言遂屢

表乾使復爲侍中魏主不許乾知變將起求爲徐州從之

二月阿至羅

高車別種

復附于魏

魏正光以前阿至羅嘗稱藩內附自中原多

事遂叛高歡遣使招納阿至羅復降先是魏主詔以寇賊平罷行臺至是以殊俗歸降復授歡大行臺隨機處分歡資之粟帛議者以爲徒費無益歡不從及經略河西大收其用

魏徐州刺史高乾伏誅大都督高敖曹奔晉陽

乾將之徐州魏主聞其泄

漏機事乃詔歡曰乾豈與朕有盟今乃反覆歡聞亦惡之取乾前後啓論

時事者封上魏主召乾責之遂賜死弟敖曹及仲密

名慎以字行俱奔晉陽

魏主既賜

乾死復遣東徐州刺史潘紹業密敕長樂太守龐蒼鷹令殺敖曹敖曹先聞其兄死伏壯士執紹業于路得敕書于袍領遂奔晉陽歡抱其首哭曰天子枉害司空遣使以白虎幡勞其家屬時乾兄弟仲密在光州聞難將奔梁其屬曰公家勳重必不弟兄相及乃敝衣推鹿車亦奔于歡自是魏主與歡遂有隙

夏四月魏青州人耿翔殺其刺史降梁梁以翔爲刺史

五月魏下邳叛降于梁

秋八月魏以賀拔岳爲雍州刺史

初賀拔岳遣行臺郎馮景

字長明河間武垣人

詣晉

陽高歡與景歆盟約與岳爲兄弟景還言于岳曰高歡奸詐有餘不可信

也府司馬宇文泰請使晉陽以觀歡之爲人泰返謂岳曰歡所以未篡者

正單公兄弟耳侯莫陳悅之走非所忌也公旦誓爲之備圖歡不難今費

也頭

代北別部後遂爲姓

控弦之騎不下一萬夏州刺史斛拔彌俄突斛拔氏代勝兵三

千餘靈州刺史曹泥河西流民紇豆陵伊利

魏南方諸姓有紇豆陵氏

各擁部衆未有所

屬若移軍近隴扼其要害震之以威懷之以惠收其士馬以資吾衆西輯

氐羌北撫沙塞還軍長安匡輔魏室此桓文之功也岳大悅復遣詣洛陽

請事密陳其狀魏主喜以岳爲都督二十州軍事雍州刺史

時彌俄突來降岳以夏州邊地

要重欲求良刺史衆舉宇文泰岳曰左丞吾左右手何可廢也沈吟累日卒表用之伊利及費也頭万俟受洛于鐵勒斛律沙門等皆附于岳惟曹泥附歡

冬十二月魏人侵梁雍州

魏荊州刺史賀拔勝侵梁雍州拔下迺成

在襄陽縣西

扇動諸蠻梁刺史廬陵王續

字世訴梁主第五子

屢爲所敗漢南震駭城邑多陷于是

河北邊爲邱墟

〔甲寅〕

梁中大通六年魏永熙三年

東魏孝靜帝是歲魏分爲二凡三國

春正月魏高歡攻紇豆陵伊利執之

高歡使侯景招紇豆陵伊利伊利不從擊之于河西擒之遷其部落于河

東魏主讓之曰伊利不侵不叛爲國純臣王忽伐之豈有一介行人先請

之乎

魏秦州刺史侯莫陳悅殺賀拔岳魏以宇文泰統岳軍討悅誅之遂以泰爲

關西大都督

初高歡患賀拔岳侯莫陳悅之彊右丞翟嵩曰嵩能閒之使

其自相屠滅歡遣嵩如關中會賀拔岳將討曹泥字元寶天水南安人使都督趙貴

夏州與宇文泰謀之泰曰曹泥孤城阻遠未足憂侯莫陳悅貪而無信宜

先圖之不聽至是岳召悅會于高平與共討泥悅既得翟嵩之言乃謀取

岳與岳宴語誘而斬之還屯水洛城在今甘肅莊浪縣東南岳衆散走平涼未有所屬

趙貴曰今宇文夏州英略冠世遠近歸心若迎而奉之大事濟矣都督杜

朔周盛樂人本姓赫連其曾祖因避難改姓杜氏後宇文泰命復其舊姓名之曰達請輕騎告哀且迎之遂馳至夏州泰

與將佐議去留前大中大夫韓褒字宏業川人曰此天授也又何疑乎衆欲暫

留以觀變泰曰悅既害元帥自應乘勢直據平涼而退屯水洛吾知其無

能爲也若不早赴衆心將離因與諸將共盟討悅輕騎赴平涼既至哭岳

哀慟將士悲喜先是高歡使侯景招撫岳衆泰至安定遇之謂曰賀拔公雖死宇文泰尙存卿何爲者景失色曰我猶箭耳惟人所射遂還及泰至平涼歡復使景與張

華原王基勞泰泰不受欲劫留之華原不屈乃遣之基還言泰雄傑請及其未定擊滅之歡曰卿不見賀拔岳侯莫陳悅乎吾當以計拱手取之張華原字國滿代郡人王基太安人魏

主遣元毗慰勞岳軍召還洛陽并召侯莫陳悅悅附高歡不肯應召泰因

毗上表言岳忽罹非命都督寇洛上谷昌平人等令臣權掌軍事今高歡之衆已

至河東侯莫陳悅猶在水洛士卒多西人顧戀鄉邑乞少停緩徐就東引

魏主乃以泰爲大都督卽統岳軍岳之死也都督李虎奔荊州說賀拔勝使收岳衆勝不從而還岳欲別將所獲送洛陽魏主方謀取關中

得虎旅喜拜衛將軍使就泰之祖李泰與悅書曰君黨附國賊共危社稷吾已發兵

爲賀拔公報讐指日相見泰引兵上隴軍令嚴肅秋毫無犯百姓大悅水

洛降悅退保上邦召南秦州刺史李弼字景和隴西成紀人與之拒泰弼舉城降悅兵

潰縊死泰入上邦散府庫以賞士卒左右竊一銀甕以歸泰知而罪之剖

賜將士初魏之亂也故氏王楊紹先逃歸武興復稱王氏羌吐谷渾所在蜂起泰令李弼鎮原州拔也惡耗鎮南秦州可朱渾元鎮渭州趙貴行秦州事徵幽涇東秦岐之粟給軍紹

先懼遂稱藩送質長史于謹言于泰曰明公據關中險固將士驍勇土地膏腴今天子在洛迫于羣凶若陳公懇誠請都關右挾天子以令諸侯奉王命以討暴亂此桓文之業千載一時也泰善

之拔也代北復姓惡耗名可朱高歡復遣使甘言厚幣以結泰泰不受封其

書以聞魏主命泰引軍而東泰使雍州刺史梁禦字善通安定人入據長安魏主

以泰爲關西大都督略陽縣公承制封拜

夏六月魏高歡舉兵反秋七月魏主修奔長安歡入洛陽推清河王亶憚之子

承制決事魏主以宇文泰爲大將軍尙書令侍中封隆之言于高歡曰斛

斯椿等必構禍亂孫騰泄其言椿白魏主隆之及騰皆逃就歡華山王鷲

字孔雀高涼王孤六世孫在徐州歡使大都督邸珍字安寶中山人奪其管鑰建州魏置今山西晉城縣等地

刺史韓賢字普賢廣寧石門人濟州刺史蔡儁廣寧石門人歡黨也魏主皆罷之又增置勳府

庶子騎官各數百人欲伐晉陽下詔戒嚴云欲伐梁發河南兵詣洛陽魏主

密詔歡曰字文黑獺賀拔勝有異志故假南征潛爲之備王宜近爲形援歡表曰臣今潛勒兵馬三萬自河東渡又遣庫狄干等自來達津渡婁昭等討荊州尉景等討江左皆勒所部伏聽處分

魏主知歡覺其變乃止歡軍歡亦表云臣爲嬖候所開一旦受疑陛下若垂信赤心願賜爵量令廢出魏主以源子恭守陽胡汝陽王暹守石濟又以賈顯智爲濟州刺史蔡儁不受代魏主愈怒乃爲敕賜歡曰開庫狄干語王云不欲取懦弱者爲主無庸立此長君使其不可駕馭今但作十五日行自可廢之此論自是王王開勳人豈出候臣之口隆之孫騰逃去不罪王若盡誠何不斬

送敗云西去而四道俱進南渡洛陽東臨江左聞者寧能不疑王若舉旗南指縱無西馬隻輪猶欲奮拳而爭死假令還爲王殺幽辱盡粉了無遺憾來達津胡三省注在平城之西自此渡河

至夏州陽胡即陽壺城在今山西垣曲縣地近河峭谷之北岸也石濟注見前王思政言于魏主曰高歡之心昭然可知

洛陽非用武之地宇文泰乃心王室今往就之還復舊京何慮不克魏主

深然之遣侍郎柳慶字東解人見泰于高平泰請奉迎輿駕魏主復私謂慶

曰朕欲向荊州何如慶曰關中形勝宇文泰才略可依荊州地非要害南

逼梁寇臣愚未見其可時東郡太守裴俠帥兵詣洛思政問以異操戈矛寧肯授人以柄雖欲投之恐無西避湯入火也思政曰然

則何如而可俠曰圖歡有立至之憂西巡有將來之禍且至關右徐思其

宜耳思政然之乃進俠于魏主授左中郎將裴俠字嵩和河東解人初歡欲遷都于鄴

魏主不可至是復謀遷都遣騎屯建興魏郡後改曰高都故城在今山西晉城縣益河東及濟州兵

擁諸州和糴粟悉入鄴魏主又以敕喻歡令歸兵罷戍送相州之粟使蔡

儁受代邱珍出徐歡不奉詔魏主以廣寧太守任祥字延敬廣寧人兼僕射祥棄官

走渡河據郡待歡魏主乃下制書數歡罪惡以宇文泰爲關西大行臺令

遣騎奉迎歡遂勒兵南出以殊斛斯春爲名以高敖曹爲前鋒宇文泰亦

移檄州郡數歡罪惡自將大軍發高平前軍屯恆農七月魏主親勒兵十餘萬屯河橋以斛斯椿爲前驅陳于邙山之北椿請帥精騎二千夜渡河掩其勞弊魏主然之侍郎楊寬字華陰曰假兵于人恐生他變椿若有功是滅一高歡生一高歡矣魏主敕椿停行椿歎曰頃熒惑入南斗今上信左右閒搆不用吾計豈天道乎宇文泰聞之謂左右曰高歡數日行八九百里此兵家所忌當乘便擊之而主上以萬乘之重不能渡河決戰方緣津據守且長河萬里扞禦爲難若一處得渡大事去矣卽以趙貴白蒲阪濟趣并州遣李賢字賢和隴西成紀人將精騎一千赴洛陽魏主使斛斯椿與潁川王斌之字子爽安樂王鑒之弟鎮虎牢賈顯智鎮滑臺顯智降于歡歡引軍渡河斌之與椿爭權還給魏主云歡兵已至魏主卽召椿還與南陽王寶炬清河王亶廣陽王湛深之子以五千騎宿于瀍西衆知魏主將西亡者過半亶湛亦逃歸將軍獨孤信魏諸部內入諸姓有獨孤氏信雲中人單騎追魏主魏主歎曰將軍辭父母捐妻子而來世亂識忠臣豈虛言也明日奔長安歡遂入洛陽遣婁昭高敖曹輕騎追魏主不及魏主挾策乏絕惟飲澗水至閼桑都督毛鴻賓迎獻酒食始解飢渴歡集百官責以處不諫諍出不陪從之罪殺僕射辛雄以下數人推清河王

宣為大司馬承制決事宇文泰使趙貴梁禦帥甲騎奉迎魏主循河西上

謂禦等曰此水東流而朕西上若得復見洛陽親謁陵廟卿等功也魏主

及左右皆流涕泰備儀衛迎魏主謁見于東陽驛在今陝西渭南縣東魏主遂

入長安以泰為大將軍雍州刺史兼尚書令軍國之政咸取決焉別置二

尚書分掌機事以毛遐字鴻遠周惠達字懷文為之時軍國草創二人積

糧儲治器械閒士馬魏朝賴之先是熒惑入南斗去而復還留止六旬梁主以諺云熒惑入南斗天子下殿走乃跳足下殿以讓之及聞魏主

西奔慚曰彼亦應天象耶

魏高歡屯華陰使侯景取荊州賀拔勝奔梁高歡自追迎魏主至恆農遂

攻潼關克之進屯華陰賀拔勝帥所部西赴關中至浙陽魏郡隨改曰內鄉今為縣屬河南汝陽道

聞歡已屯華陰遂還先是魏主將發洛陽召勝赴行在所勝以問掾盧柔柔曰高歡悖逆

左丞崔士謙曰今帝室顛覆主上蒙塵公宜倍道兼行朝于行在然後與宇文行臺同心戮力行臺

舉大義天下執不望風響應今捨此而退恐人解體一以事機後悔何及勝不能用盧柔字

子剛范陽涿人崔士謙安平人辯之孫三荆魏置荊州于穰注見前又置南荊州于安昌今河南

確山縣是又置東荊州于比陽今河南歡自發晉陽及至華陰凡四十啓魏主皆

不報乃東還遣侯景向荊州遇勝景逆擊之勝敗奔梁

冬十月魏高歡立清河世子善見于洛陽是為東魏歡還洛陽又遣僧道榮